



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

I. Axiomatis secundi veritas confirmatur.

urn:nbn:de:hbz:466:1-16260

AXIOMA II. III. IV.

AXIOMA II.

Omnis historia est verax, quæ res gestas ita narrat, uti narrantur in multis libris coætaneis, vel ætati proximis qua res gestæ sunt.

Axiomatis secundi veritas confirmatur.
Joseph. libr. t. contr. Apion.

I. **H**oc Pronuntiato, & superiore, tota nititur historia fides, totius antiquitatis memoria: *τὸν δὲ ἀληθέα τοιούτους ιστορίας, εἰ μὲν ἡ πόλις αὐτὴν ταῦτα εἶπεν
& γέραιον Veracis enim historie indicum est, si de rebus iisdem omnes eadem dicant & scri-
bant: inquit Josephus; cuius verba hæc supra jam attuli. Unde enim virum quemdam
bello clarum, cui Cæsari nomen fuit, aliquando vixisse scio? ex Cæsaris nempe ipius
Commentariis, ex Hirtii, Ciceronis, Bruti, Livii, Velleii, Lucani, aliorumque scriptis,
qui vel temporum illorum, quibus Cæsar vixit, æquales fuerunt vel suppare. Ho-
rum autem scripta genuina esse ex superiore Axiomate offendit. Non alter enim scri-
ri aut credi possunt, quæcumque ipsi oculorum nostrorum testimonio non cognovi-
mus, quam ex aliorum verbis: alioqui mediterraneus Oceanus esse non credit; nec
Americam, aut Indiam esse credent Amstelodamenses, qui patrio solo numquam ex-
cesserunt, & virgula divina sibi suppeditari putabunt pretiosissimas merces, quæ inde
quotannis referuntur. Tertium autem eo major est fides, quo à re gesta proprius ab-
fuerunt, adeo ut coætaneorum certior sit, quam recentiorum; præsentium, quam ab-
sentium; certissima vero sit eorum, qui rem oculis ipsi suis inspexerunt. Quoniam autem coævos, & præsentes, & oculatos testes rebus gestis diu supereesse non patitur
brevitas vite; inde sit ut res à nostra, vel patrum, aut avorum memoria remotas,
nonnisi ex aliorum relatione noscere vel credere possumus; rerum oblivionem reparan-
te hominum studio, dum longinquitatem temporum memoria excipiente, monumen-
tisque posteritatibus traditis re räsentant. Quod in rebus igitur ætate nostra actis valet
oculatorum testium fides, idem in rebus ab ævo nostro distis valet coætaneorum
librorum auctoritas. Unde intelligitur quo pertineat effatum hoc, & superius, & quantu-
m ex eorum labefactione rerum perturbationem incidere necesse sit. Tertium illud
est:*

AXIOMA III.

Omnis Prophetia est verax, quæ prædixit res eventu
deinde completas.

Axiomatis tertii veritas confirmatur.

I. **M**anifesto id sequitur ex Prophetiae definitione superius allata, & res est in
promtu, nec eger disputatio. Prophetæ quidem ille vera prædicens, mendax cæ-
roquin esse potest, & pios homines à veri Dei cultu abducere, vel falsis religio-
nibus implicari; qualis exhibetur Balaamus in libro Numerorum; & qualis ille est Pro-
phetæ, quem interfici jubet Moses in decimo tertio capite Deuteronomii. Nihilomi-
nus tamen Prophetia ipsa verax est. Postremum Axioma hoc esto:

AXIOMA IV.

Omnis prophætica facultas à Deo est.

I. *Axiomatis quarti veritas confirmatur.* II. Conferuntur Postulata & Axiomata nostra cum Postulatis & Axiomatis Geometrarum.

III. Laus Geometrie.

Axiomatis quarti veritas confirmatur.
Isaías 41. 23, &
44. 7, &
10. 48. 13, &
scq.

I. **A**nnuntiate que ventura sunt in futurum, & sciemus quod Dii eitis vos: inquit Isaías. Idem alibi sic loquentem inducit Deum: *Quis similis mei? vocet & annuntiet;* & ordinem exponat mihi, ex quo constitui populum antiquum; ventura & que futura sunt annuntient eis. Rursus idem: *Priora ex tunc annuntiavi, & ex ore meo exierunt, & au-
ditæ feci ea; repente operatus sum, & venerunt Prædicti tibi ex tunc, antequam ve-
nirem, indicavi tibi, ne forte dices: Idola mea fecerunt hæc, & sculpsilia mea, & con-
flatilia mandaverunt ista. Que audisti, vide omnia, vos autem num annuntiassis?* Audita
fecisti nova ex tunc, & conservata sunt que nescis; nunc creata sunt, & non ex tunc; &
ante diem, & non audiisti ea; ne forte dicas, *Ecco ego cognovi ea.* Negue audiisti; neque